

四明志卷第四

郡志卷第四

叙山

四明山府西南六十里綿亘明越台三郡之境

周回八百里二百八十峯峯峯相次上擬於

莽蒼中頂五峯狀如蓮花疑近星斗寰宇記

有池其池有三重石臺有唐末有高士謝遺塵隱於是山

之南雷嘗至吳中謂陸龜蒙曰吾山有峯最

高四穴在峯上每天宇澄霽望之如戶牖相

傳謂之石窻故茲山名曰四明山中有雲二

十里不絕民皆家雲之南北每往來謂之過

雲有鹿亭有樊榭有潺湲洞木實有青櫛子

味極甘而堅不可卒破有猿謂之鞠猴於是

龜蒙與友人皮日休各賦詩九篇傳於世道十

四蕃志及太平廣記神仙傳去即漢劉綱與妻樊夫人上昇之地四明山記去孫興公得

仙梨而上昇北夢瑣言去王蜀時許寂少年棲于山學易於晉徵君一旦有夫婦詣山挈

一壺酒寂詰之去今日離刻縣寂曰道路甚遙安得一日及此頗異之夕以壺觴命酌其

夫出一拍板抗聲高歌悉是說劍之意俄自臂間抽兩物展而唱之即兩劍躍起在寂頭

上盤旋交擊寂甚駭尋匣之飲畢就寢迨曉乃空榻也舊志去山有黃頷蛇長一二尺色

如黃金居石縫中天將死若仗錫山石樓山  
兩作牛吼聲中人亦死  
宇

記去一名石柱是松巖山蜜巖山古傳有雷

四明山纜風處

峯山大雷山即謝遺

峯山塵所隱

峯山蝙蝠洞在其中此即

四雷烽火樓山雞籠山鼈山

取其形西山皆四

明山之支派也山在郡跨鄞奉化慈溪三縣

初名明州以此故載郡志其支派之顯特者

分見諸縣

驃騎山鎮府之北金峨峙其南東直天童太白

旁睨鄞峯玉几西南四明諸山尤秀拔此山

之大勢也詳見各縣志

鎮明嶺府治前一里三十步本一丘阜 天禧

中李夷康為守精地理之學以上增之上有

佛亭 嘉定十三年火次年市民重建觀音

殿 紹定元年守胡榘書鎮明嶺及園通道

場以

**叙水**

渠堰與關橋  
梁津渡附

**水**

海環府境東北迤于南湖入城之東北各有候

燕肅潮論曰觀古今諸家海潮之說多矣  
或謂天河激湧亦去地機翕張盧肇以日

激水而潮生卦演六月周天而朝應挺空  
入漢山湧而濤隨折木大梁月行而水大

源殊派異無所適從索隱探微宜伸確論  
大中祥符九年冬奉 詔按察嶺外

合浦郡次南瀛而東過海康歷陵水陟恩  
 平任南海迨由龍川抵潮陽泊出守會稽  
 移蒞句章是以上諸郡皆公海濱朝夕觀  
 望潮汐之候者有日得以求之刻漏究之  
 消息十年用心頗有準的大率元氣嘘吸  
 天隨氣而漲歛溟渤往來潮順天而進退  
 者也以日月者衆陽之母陰生於陽故潮附  
 之於日也月者太陰之精水者陰類故潮  
 依之於月也是故隨日而應於上下依陰而附  
 陽盈於朔望消於朏魄虧於上下弦息於  
 朏朏故潮有大小焉今一起十月朔夜半子時  
 潮平於地之子位四刻一十六分半月離  
 於日在地之辰次日移三刻七十分對  
 月到之時以日臨之次潮必應之過月望  
 復東行潮附日而又西應之至後朔子時  
 四刻一十六分半日又西應之亦復會於子  
 位於是知潮常附日而右旋以月臨子午  
 潮必平矣月在卯酉必盡矣或遲速消  
 息又小異而進退盈虛終不失於時期矣  
 或問曰四海潮平來皆有漸唯浙江濤至

則巨如山岳奮如雷電水岸橫飛雪崖傍  
 射澎騰奔激吁可畏也其奮怒之理可得  
 聞乎曰或云夾岸有山南曰龕北曰赭二  
 山相對謂之海門岸狹勢逼湧而為濤耳  
 若言狹逼則東溟自定海吞餘姚奉化二  
 江俾之浙江甚狹逼潮來不聞濤有聲也  
 今觀浙江之口起自纂風亭北望嘉興大  
 山水關二百餘里故海商船舶怖於上潭  
 惟泛餘姚小江易舟而浮運河達于杭越  
 蓋以下有沙潭南北橫亘隔礙洪波蹙遏  
 潮勢夫月離震兌他潮已生惟浙江水未  
 泊月徑巽乾潮來已半屬浪推滯後水益  
 來於是溢於沙潭猛怒頓湧聲勢激射  
 故起而為濤耳非江山淺逼使之然也

初一日十六日子末午末平

初二日十七日丑初未初平

初三日十八日丑正未正平

初四日十九日丑末未本平

初五日二十日寅初申初平

初六日二十一日寅正申正平

初七日二十二日卯初酉初平

初八日二十三日卯正酉正平

初九日二十四日卯末酉末平

初十日二十五日辰初戌初平

十一日二十六日辰正戌正平

十二日二十七日辰末戌末平

十三日二十八日巳初亥初平

十四日二十九日巳正亥正平

十五日三十日巳末亥末平

慈溪江源于紹興餘姚之太平山至丈亭而分  
一貫邑中一環邑前其西北諸山之水未至  
縣五里匯于彭山堰有斗門以泄于江二江  
皆東來至西渡復合亘府城之北入于海隨  
潮上下

奉化江源于四明之鎮亭山出縣之惠政橋下  
與諸溪水會而南來亘府城之東然後北與  
慈溪江會而入海隨潮上下



顏公渠自桃花渡而東迄定海西市綿亘六十

里元港久湮田疇失漑舟楫不通民旅病之

前此帥守非不興念率以役艱費夥而輟溥

祐六年秋九月制帥集撰龍溪顏公頤仲

因農隙鳩工榜示通衢民聽惟睦榜示云照

為命食以農為本農以水利為急本郡田畝

全藉水利如東管則賴有東湖之水西管則

賴有它山之水獨自桃花渡至定海縣一帶

東西南北周回六十里舊有河港久不浚治

日侵月占皆為堙塞水無所潴惟仰天雨晴

未十日即已旱乾農家無計可施坐待其稿

昔號膏腴今為瘠瘠食且不給何以為生居  
此方者委可憐念其次則裏河既已斷港未  
免冒險涉江民旅往來軍兵打請又有風潮  
不則之患數十年來太守屢嘗有意開浚只

事體重大費用浩繁莫敢輕舉當職冒膺千里宅生之寄常軫視民由己之心苟可興利豈敢吝費亟欲趁今農隙支撥錢米雇募夫工自桃花渡直定海縣西市依舊來河道盡行開浚一則可瀦水澤以溉田畝二則可通舟楫以便軍民誠為一方無窮之利其間近河居民或有侵占舊來河道為田起屋者自當悔悟日前冒占官河之非體承州郡為民興利之意各謀改徙毋復執迷斷不可以一二人之私計而妨六十里之水利本府亦當斟酌地段支錢給助應是開河之費盡從本府出備更無一毫擾及民戶所合先行給榜曉示

纜越三旬而六十里故河盡復廣五丈深丈二尺役工二十三萬九千有奇總費五十五萬七千緡有奇置碶閘三跨橋六艸令趙希蒞定海令劉仲襄慈溪令季鏞各因渠

之所隸而董其役倅郡張公琥總之銖粒皆  
仰於官纖毫無擾於民又虞歲深泥淤思爲  
以利再撥緡錢二萬貫勑修河局正將一員  
主之而勾稽則責之勤與定海二丞公之爲  
民慮周矣民便其利而頌其德因刻石曰顏  
公渠

君志四

行三

日月二湖皆源于四明山一自它山堰經仲夏

堰入于南門一自大雷經廣德湖入于西門

瀆為二湖在城西南隅南隅曰日湖又曰細

湖又曰小江湖又曰競渡湖昔有黃鍾二公

為名久湮僅如汗澤獨西隅存焉曰月湖又曰

西湖其從三百五十丈其衡四十丈周圍七

百三十丈有奇中有橋二絕湖而過汀洲島

嶼凡十曰柳汀曰雪汀曰芳草洲曰芙蓉洲

曰菊花洲曰月島曰松島曰花嶼曰竹嶼曰

煙嶼十洲二島大家多變置亭臺院閣隨方

面勢四時之景不同而士女游賞特盛於春  
夏飛蓋成陰畫船漾影殆無虛日湖之支派  
繚繞城市往往家映修渠人酌清泚又引之  
於州北隅鑿兩池以停之滢漉泛溢則城之  
東北隅有食喉氣喉二碶以洩于江亦一勝  
也蓋四明山之旁衆山萃焉雨盛則澗壑交  
會出爲漫流無以瀦之其涸可立而待非特  
民渴于飲而江納海潮以之灌溉田皆斥鹵  
耕稼廢矣唐開元中鄮令王元暉視地高下  
伐木斲石橫巨流而約之浚湖以受其入漑

田八百頃民德王令立祠堰旁太和六年刺史于季友又築仲夏堰水利益博

國朝建隆間它山堰損若不可收康憲錢公

億跪請于神增築全固熙寧乙卯虞大寧

為鄞令元祐癸酉劉純父為明守渠圯湖

堙因其舊而修之建中靖國改元之夏秋

不雨湖大涸郡以其事屬監船場唐意意由

南門道渠上凡八十有五里抵它山堰見水

多醜洩乃盡塞支流稍浚上源以其土第第

增堰水漸引以北獨距城十數里地赤裂深

纔尺餘人謂水無可行之理矣意即王令之  
祠禱焉一昔水輒薄城下不數日湖流漫然  
越一歲復涸簽幕張必強鄞令龔行脩又歷  
視舊堰修之益卑以高易土以石冶鐵以固  
之水遂通行 嘉定七年提刑程覃攝守謂  
奔湍流沙沙壅水滯乃勢之常歲不一浚治  
之厥後用力益艱捐緡錢千有二百置田四  
十畝委鄉之強幹者掌其租入歲給役夫之  
費督以邑丞意則善矣而行之者實具文十  
四年泉使魏峴以鄉郡爲念請于 朝得祠



牒十委里人曰朱曰王按渠堰礮閘之廢遷者重加修築若程所置田歲租日耗而渠不浚丞亦莫知職之在我也 紹定元年守胡

榘始拘其租于官重有司之責且聞諸朝

禁居民立屋以塞氣喉食喉二礮者浚導必時隄防必謹啓閉必如式一邦之大利也後

之人毋忽

或去水自南門入實流離宮過洞則火此渠所關尤重不當俟其涸

而後浚

清瀾池直奉國軍門之南錢恭惠王嘗浚之以爲救焚備守李夷庚又浚之以其土益鎮明

嶺

府池鄮山堂之前後各一

梁公泉鄮山堂前方池之外 紹興十二年守

梁汝嘉建亭其上今亭廢井存

昌黎泉公使庫造酒所 紹興末年守韓仲通

建亭其上故名

義井十所

東北廂五

鄞縣前坐北大街一

拱星坊巷口大街一

泰和坊河下一

宣化坊魏家巷一

廟巷一

東南廂一

車橋下南巷

西北廂二

能仁寺前一

卹仁坊佛閣下一

西南廂二

府院前一

五通堂巷口一

橋梁

日月湖之水醜為支流可濯可湘可載可  
泐徒杠輿梁政所宜舉人繁屋比則家自  
為之矣創置歲月載舊經者不敢廢今增  
創過倍姑識其大者歲月不暇究也

西南廂

清瀾橋俗曰府橋奉國門前六十步

四明橋府南九十步有亭唐大和三年刺史李文孺建燬于建炎之兵乾道

五年守張津重建嘉定十三年火亭廢

憧憧橋也俗呼曰東湖橋西湖衆樂堂之東西橋

年僧蘊臻建轉運使陳堯佐立名嘉祐  
中守錢倚修乾道五年守張津重建仍

建亭其上侍  
御王伯庠記

湖心石橋大小二橋府西南一

清洞橋舊經止曰甬水門裏  
元豐二年建

葱行橋府東南九十步

迎鳳橋府東南六十步

錦照橋大廟前南距府

倉橋振名坊南距

福明橋景福寺東

新橋景福寺西距府二里半

錦里橋舊名五馬在竹洲西距府一里半

解院橋曾家匯南距府一里二十步舊名通安橋嘉定十三年火重建

右舊經所載

君奢橋湖橋東距府二百步

酒務橋崇教寺側距府一百七十步

眾樂橋湖橋側距府二百步

竹行橋千歲坊南距府一百九十步

章耆巷橋千歲坊南距府二百二十步

永安橋曾家匯西距府一里

四柱橋 曾家匯南 距府一里

木欄橋 解院前東距府 一里四十步

韓家橋 解院側南距府 一百三十步

牢家橋 鑄冶坊巷距府 百五十步

文博橋 鑄冶坊巷西距府 一里六十步

汪運使橋 大廟前北距府 一百七十步

晝錦橋 大廟前南距府 一百八十步

褚家橋 蔣家帶東距府 二里半

宣家橋 千歲坊南距府 三百步

感聖寺橋 紹定元年 史府重建

周家橋

鑄冶坊巷距府一里半

普照橋

距府二里半

東南廂

市心橋

南湖頭南西南廂交界距府一里

吳欄橋

市心橋南西南廂交界距府一里半

奉化橋

一名捧花龍舌頭南西南廂交界距府三里

水月橋

延慶寺前西南廂交界距府三里十五步

洗馬橋

新寺後門距府二里十八步

泥橋

新牌橋東距府三里二十四步

車橋

靈橋門西距府四里四十五步



行香橋舊曰焚香採蓮橋東距府二里三十步

採蓮橋南寺前南距府三里半元豐六年建

獅子橋興教寺南距府二里半

新牌橋泥橋頭西距府二里半十二步

右舊經所載

塔下橋連桂坊東距府二里三十步

破石橋吉祥寺後距府二里二十八步

古石橋二十九營前距府二里三十五步

小江橋積善坊距府三里半紹定元年火重修

丘家橋迪教坊南距府四里半紹定元年火重修

興教橋景清巷口東距府四里半五十步

賀都監橋新門頭距府四里半五十步

戚家橋南寺後門距府一里半

明州橋南寺前直南距府二里半一十步

南寺後橋戚家橋南距府一里半五十步

黃家橋東河際南距府二里半

行宮橋表尚書宅西距府三里十五步

磚橋龍舌頭北距府二里半二十步

石橋趙府前距府一里半

史學士橋龍舌頭距府二里半

王家橋連桂坊南距府二里十步

陸家宅橋連桂坊西距府二里

史府橋景德寺側東距府一里半

石橋汪家巷口距府一里半

林家橋全捷營前距府三里半

馬家莊橋新門頭距府二里半

王家橋表尚書宅前距府四里半

表尚書橋宅前距府四里半三十步

孫家石橋戚家橋南距府一里半一十步

馬家石橋東河際距府四里半四十步

馬家莊石橋 黃家橋南距府一里半五步

馬家石橋 三龍王廟前距府二里半

吳家橋 沙泥巷口距府一里半

新門裏石橋 馮計院宅前距府三里

汪家木橋 景清寺東距府一里十步

黃鑿橋 戚家橋東距府一里五步

### 西北廂

迎恩橋 一名仁安望京門裏東距府一里

虹橋 壽寧坊南距府二百步乾道中守張津重建

河利橋 項家巷口距府西南半里

惠政橋 報恩光孝寺前俗曰天寧橋 崇寧二年建

永濟橋 路分衙前距府六十步 景德四年僧惟一建 乾道五年守張津

作亭其上 嘉定十三年火亭廢

董孝橋 一名渡母橋 報恩觀西距府六十步 天禧五年建有 久而圯

乾道五年守張津重建 紹定元年守胡榘於火後重修

府東門橋 距府三十步

府西門橋 距府三十步

阮家橋 一名斜橋 府東北半里

鹽橋 狀元坊下 府東北一里

西上橋 府西北一里半

東上橋府西比

石礮橋府東北一里三年建

右舊經所載

鹽倉橋鹽倉前距

貢院橋府學西距

府後橋桃源洞後

中上橋高侍郎新巷口

頂戴橋朝桂坊下

祝鄰橋報恩寺後東

林鱗魚橋高侍郎宅前

方家橋報恩寺後西

楊家橋報恩寺後西

烏黯橋忠順官寨前一里半

府社壇橋望京門裏 淳祐六年秋

東北廂紹定元年火諸橋皆守胡榮重修建

千歲橋府東南百步西南廂交界周廣順二年建舊曰萬歲橋又曰貫橋

皇封橋府東南半里

開明橋一曰通明

積善橋鄞縣

生薑橋鄞縣

鹽蛤橋府東南二里半

右舊經所載

蕭家橋市心距府二百十步

迴途橋魏家巷口距府一里

餘慶橋縣東距府一里半

瑯琊橋縣東距府一里三百二十步

做絮橋廊頭距府一里三百四十步

團橋東渡門裏距府二里二十步

都稅院橋東渡門裏距府二里四十步

張家橋鹹塘距府二里三十步



四港橋距市船司後三里

市船司後橋醜塘東距府三里二十步

葛家橋姚家巷口距府二里三百步

洗麩橋東壽昌寺北距府二里半

洞橋新河頭距府二里半

泰和坊橋鄞縣前距府二里半

隱仙橋天慶觀後距府二里半

柴家橋廣慧寺後距府二里二十步

廣慧橋大梁街距府一里五十步

**津渡**

東渡即桃花渡羅城東門外往定海昌國路慶

三年守胡渠新造昌國渡  
船二隻詳見縣志渡津門

北渡甬水門南二十五里往奉化路蓋奉化有

南渡故以此為北也洪子五  
名管幹

西渡望京門西二十里往慈溪路管管堰洪子元

每名月支和雇錢二貫文牛畜元額八頭  
每頭月支草料錢一貫文索纜月支三貫

文初委鄞縣丞於所收役錢內支丞不任  
職所支有名無實人畜俱亡寶慶三年

洪子存者一十三名牛存者一頭舟上下  
甚艱守胡渠買牛增人收丞廳役錢入板

帳按月支給逾西渡堰入慈溪江舟行歷  
慈溪餘姚以至虞之通明堰率視潮候

江東西塘路


本府城東靈橋門浮梁之外有西塘自甬東至莫支堰係民旅公塘

往來之路外邊河內傍田侵削幾不盈尺

重

淳祐六年制帥集撰顏公曠仲申省

海道



君士六区

三六

至昌國縣

乘西南風不待潮徑至舟山頭登岸

風不順泊大小謝港口或大小茅山候潮

回方行

至象山縣

乘平北風行

一泊烏崎頭

再泊方門

三泊陳山渡頭步至縣一十五里

**叙產**

五穀熟而人民育地產莫貴於此明之穀

有早禾有中禾有晚禾早禾以立秋成中  
禾以住暑成中最富早次之晚禾以八月  
成視早益罕矣其品曰早黃曰晚青曰矮  
白曰大白曰細白曰大赤曰占城曰金城  
曰糲撒曰赤撒曰烏撒曰九里香曰赤轉  
稻曰冷水紅曰早糯曰黃糯曰白糯曰丁  
香糯曰赤糯曰鼠牙糯曰虎皮糯曰麻糯  
曰杭州糯曰九日糯曰青稈糯粟豆麻麥  
種無不宜一歲之入非不足贍一邦之民  
也而大家多閑糶小民率仰米浙西浙西

歉則上下皇皇勸分之令不行州郡至取  
米于廣以救荒市區斗為錢數百而陳陳  
相因待價者自若必有仁人君子而後能  
倡義以正斯俗若夫水族之富瀕海皆然  
而亦有荒有熟韓文公記南海廟以獸魚  
蟹為稱美言政所格也明邇 日畿人趨  
都會海雖熟而珍竒所出迨不如所聚惟  
有力者能得之產不異於他邦者不必盡  
數取其異者紀焉

布帛之品

俗不甚事蠶桑紡績故布帛皆貴於他郡惟  
奉化絕密而輕如蟬翼獨異他地象山苧布  
最細曰女兒布其尤細者也

### 草之品

席

江東多席草人業下  
織著名四方曰明席

三白

農人以此驗歲  
三葉白則歲熟云

卷柏

俗呼長生不死草  
生四明山雖甚枯槁  
得水即葱翠謝靈運  
山居賦云卷柏萬

代而  
不死

蓴

本作蕪生水中  
今東湖多有之

苔

吳郡賦海苔之類  
注云苔生水中正青  
狀如亂髮乾之赤鹽藏  
有汁名曰濡苔出象



山

### 紫菜

吳都賦曰綸組紫絳注云紫菜郭璞江賦云紫莢菜擘以叢被注云莢紫菜也

定海昌國海岸中有之出伏龍山者著名

### 海藻

爾雅曰藻又名海藻生海中黑色如亂髮而大埤雅曰本草以爾雅所謂綸似

綸組似組東海有之正謂二藻也又云按本草海藻昆布青苔紫菜皆療瘤瘰

結氣又一種細者紫色曰紫角菜

### 果之品

#### 楊梅

越之楊梅著名天下而奉化所產不減於越有邵家烏金家烏許家烏韓家

大荔支小荔支鄞之小溪亦有之色紅不迨奉化之紫黑產東湖者色白名酸

蜜脚又其次也

樾翠山香山雪竇皆有

鳧茨一名葶薺最大者與關中地栗形質相似而甘脆差減俗謂之上地栗

青櫛子出四明山陸龜蒙有詩見松陵集今名存實亡矣

### 羽之品

頻伽佛書著此名昌國禿陀山有之鄞縣句章北巖亦有

### 水族之品

鱸魚數種有塘鱸形雖巨不脆有江鱸差小而味淡有海鱸皮厚而肉脆曰脆鱸味

極珍邦人多重之

石首魚一名鱖郭璞江賦曰鱖紫順時而往還注字林曰鱖魚出南海頭中有石

一名石首常以三月八月出故曰順時然俗呼冬天蒲中者曰石首三四

月業海人每以潮汛競往採之曰洋山

魚舟人連七郡出洋取之者多至百萬

### 鯢魚

草一鯢魚肝及子有大毒入淮河口爛舌入腹

爛腸肉小毒一人亦食之煮之不可近鑄

當以物懸之一名鰻夷魚以物觸之即

如印腹如氣球亦名噴腹魚白背有赤道

名吹肚魚又名鮓魚海中者大毒惟橄

欖木魚茗木解之次用蘆根烏蘆草根

汁一云獨眼者尤毒腹多刺去其頭尾

取其身白肉用橄欖甘蔗煮之橄欖以  
解魚毒甘蔗以驗其有毒即黑若其腹  
內腸肝膏胸與貓犬隨斃昔永嘉有厨  
人喜其肥美竊食之即仆噤不語欲  
以黑豆槐花研汁攪不潔大藥進之  
乃嘔吐而活

# 春魚

似石首而小每春三水業海人競往取  
之名曰捉春不減洋山之盛冬天滿中

有者曰  
蒲春

# 鮓魚

狀似鱸而肉麓三  
曰鮓小者曰鮓姑鮓眉辯反

# 鮓鮓

一名鮓魚身扁而銳狀若鏘刀身有兩  
斜角尾如燕尾細鱗如粟骨軟肉雪白

於諸魚甘美第  
一於春晚最肥

# 鯊魚

皮上有沙故曰鯊有白蒲沙黃頭沙白  
眼沙白蕩沙青頓沙烏沙班沙牛皮沙

狗沙鹿文沙鯪沙鮓沙燕沙虎沙犁到  
沙香沙熨斗沙丫鬚沙劍沙刺沙其類

甚眾

# 比目魚

吳都賦曰雙則比目片則王餘注比  
目東海所出王餘魚其身半也俗曰

越王食鱸魚未盡因以其半棄之  
為魚無其一而故曰王餘也

帶魚 海物異名記曰脩

鰻 海中者極大似蛇而色青白齒銛利冬晴

黃埤雅曰鰻有雄無雌以影漫體而生子今鰻腹自有子未必皆漫體也

華臍魚 一名老婆魚一名壽魚壽一作緩腹

以此吳都賦曰琵琶魚注云琵琶魚無鱗其形似琵琶冬初始出青俗多

重之至春則味降矣

鱈魚 極大而骨脆肉肥亦可為鮓

烏賊 本草云是顯鳥所化今其口脚具存猶

器云昔秦王東遊棄筭袋於海化為魚其形一如筭袋兩帶極長墨猶在

也蜀本去背上骨厚三四分曰華子又名纜魚鬚脚悉在眼前風波補

以鬚粘石為纜圖經去一名烏能  
 波噴墨網水以自衛使水匿不為人  
 害又云性嗜鳥每暴水上有飛鳥過  
 其已死便啄其腹則卷而食之以此  
 名言為烏之賤也形若革囊口在腹下  
 八足聚生口旁只一骨厚三四分似小  
 舟而輕虛而白又有兩鬚如帶可以自  
 纜故別名纜魚南越志云烏賊有石遇  
 風便虬前鬚下矧而住矧亦纜之義也  
 腹中血并膽正如墨中以書也世謂烏  
 賊懷墨而知禮故俗謂是海若白  
 事小吏又有最小者俗呼墨斗

# 章巨

大者曰石拒居石穴人或取之能以脚  
 粘石拒人故名亦曰章巨次曰章舉石  
 陣形似大箕袋八足長及二三尺足上  
 突出碑礪戢戢如釘每釘有竅浮于海  
 沙布形如死鳥鳥啄之卷以入水噓釘  
 噉之以此充腹其次者曰章舉亦曰章  
 魚以大小呼之石距如半章舉如升南  
 方有石距此惟章舉爾章舉之又小者

曰望潮身一二寸足倍之又一種曰鎖管亦其類脚短無釘

### 鯊魚

板身多鯁長不五六寸味極肥腴以糟  
謂之三和鮓最美可致遠世說晉虞嘯  
父蒼晉帝去天時尚温鯊鮓未熟即此  
也

### 箭魚

即江湖鱗魚海出者最大甘肥異常腹  
下細骨如箭鏃俗名箭魚味甘在皮鱗  
之交土人和鱗煮供  
之春晚與笋尤稱

### 鯊魚

子多而肥夏初曝乾可以致遠郭璞江  
賦曰鯊鮓順時而往還山海經注曰鯊  
狹薄而長大者長尺餘一名刀  
魚常以三月八月出故曰順時

### 銀魚

一種極小者名麵魚  
口尖身銳如銀條又

### 鱗魚

身如膏臄  
骨柔無鱗

白魚  
板身  
肉美

梅魚  
首大  
口金鱗

火魚  
頭巨尾小  
火名又一種名石敦  
身圓通赤故以

短魚  
項縮而短  
極美色微紅  
為蠶

魚工魚  
形圓似扇無鱗  
於身如狸鼠其最大曰鮫  
色紫黑口在腹下尾長

可錯靶者同是鮫與魚皆一類矣其次  
曰錦魚皮亦沙澁擦去沙煮爛與蠶裙

同又次曰黃魚差小背黑腹黃  
其餘有斑魚牛魚虎魚皆九魚

地青魚  
尾有刺甚長  
色白者曰地白與魚相類  
又毒能中人

魚鼠尾魚  
可作蠶

竹夾魚  
近魴尾有硬鱗  
青黑一名上鱧



肋魚 似箭魚而小身薄細骨滿勒

馬鮫魚 形似鱧魚味似鮓

鮓魚 似鯉生淺海中着底專食泥身圍口小

王論魚以

鱻魚 形似鮓肉亦凡惟以鹽裹之曝為鱻名

供

吹沙魚 埤雅曰鮓鮓今吹沙小魚常開口吹

而長有墨點俗呼為新婦臂味甘今

泥魚 似吹沙而首大

箸魚 其形似箸又有

極大者曰鰓鰻

黃滑魚

似春魚而肉細又有一種曰烏眼白眼皆相類

吐哺魚

東湖有之本名土附以其附土而行也

闌胡

形如小鰕大者如人指長二三寸許有班點簇簇如星潮退數千百萬跳

塗泥中海婦挾簪取之如拾芥名曰闌胡一名彈塗以跳躑取名土人芼以米

脯辣煮之醒酒然雖細物以盂覆活者數百於地旦起發覆視之駢首俱拱北

無一參差者亦異矣

鮓魚

本草作蜡一名乍魚一名水母一名樗蒲魚生東海形如覆笠肉如血鱗大者

如來小者如斗腹下如垂絮純赤無腸胃眼目以鰕為目鰕動鮓沉故曰水母

目鰕如駉驢之與焉焉相假矣

蝟蚌

明越風物志去蠶蚌并整十足生海邊泥穴中潮退探取之四時常有雌者掩

大而肥重者踰數斤其小而黃者謂之石蟪蚱最大者曰青蟪蚱小者曰黃甲後

足闊者又曰撥掉子東坡荅丁公默送蟪蚱詩有半殼含黃宜點酒兩螯研雪

勸加餐之句鄉之城東江濱有蟪蚱廟俗傳有漁人獲一巨蟪蚱力不能勝為

巨螯鉗而死今廟即其地前賢多呼四明曰蟪蚱州舒懶堂述里諺去八月蟪

蚱健如虎埤雅曰蟪蚱兩螯至強能與虎鬪

### 蟹

俗呼為蟹圓臍者牝尖者牡也經霜則有赤膏俗呼母蟹亦曰赤蟹無膏曰白蟹有

子者曰子蟹本草以蟹性敗漆燒之致鼠

### 螃蟹

俗呼毛蟹又曰田蟹螯跪帶毛山谷詩云怒目橫行與虎爭寒沙奔火禍胎

### 彭越

爾雅名彭蠡螯赤者名蟪蚱一種為

學所誤又一種名桀步埤雅曰以其橫行故謂之桀步又一種曰沙蟹

### 蚌

定有珠郭璞江賦曰瓊蚌晞耀而瑩珠

### 海月

形圓如月亦謂之海鏡土人鱗次之以為天窻郭璞江賦云王珣海月謝靈運

詩曰掛席拾海月

### 鰕

有赤曰青黃斑數色青者大如兒臂土人珍之多以餉遠梅熟時曰梅鰕蠶熟時曰蠶鰕狀如蜈蚣而大者曰蝦蛄身尺餘鬚亦二三尺曰鰕王不常有皆產於海其餘

於陂湖者曰湖鰕生於河者曰鰕公二此他種其長倍之郭璞江賦云水母目鰕

注曰水母無耳目不知避人常依鰕隨之

### 鱖

形如覆斗其大如車青褐色十二足長五六寸尾長二三尺其殼堅硬腰間橫紋一

線軟可屈摺每一屈一行尾尖硬有刺能觸傷人口足皆在覆斗之下海中每雌負

雄魚者必雙得以竹編為一甲鬻為牝子如麻子土人以為醬或酢牡鱖無子本

草去牝牡相隨牝者背上日月牡者無  
目牡得牝始行牝去牝死韓退之詩蠶

實如惠文骨  
眼相附行

蛤  
每長八月十六日雀入水化蛤海濱有見之

者

淡菜

亦名殼菜形似珠母一頭尖中銜少毛  
甚益人生南海有東海夫人之號土人

燒令汁沸出肉食之若與少米先煮熟  
後去兩邊鎖及毛更入蘿蔔紫蘇同煮

尤佳

蝥

生於巖或簷竹又  
一種曰老婆牙

蠺房

其大者如驪蹄小者如人指面亦曰  
蠺陶隱居云牡蠺是百歲鵬所化道安

以左顧者是雄故名牡蠺右顧則牝蠺  
向南視之口邪向東為左顧物附石

而生磯礪相連如房故名蠔一名石四

山晉安人呼為蠔莆初生才如拳石

面漸長有一二丈嶄巖如山每房內首

蠔肉一塊亦有柱肉之大小隨房廣

每潮來則諸房皆開有小蟲入則合之

以充腹海人取之皆鑿房以烈火逼開

挑取肉食之自然甘美更益人美

類色細肌膚海族之最貴者也

雌俗呼曰生雌似蛤而長殼有

江珧以柱為珍東坡有江珧

螺多種掩白而香者曰香螺有刺曰刺螺味

啣

故以名也舊說曰蚌蝸蝸小螺也一種曰海

螺狀如覆杯頭如烏頭向其腹視如鸚鵡

又有生深海中可為酒杯者曰鸚鵡螺郭

璞江賦曰鸚鵡螺蚌蝸注去異物志曰鸚鵡

辛曰蚌螺有曰拳螺劍螺又有丁螺班螺

車螯

歐陽公詩曰瓌瓌殼水玉班爛點生花  
美此物也一名昌娥一名魁蛤奉化海

埼間有之

蛤蜊

善醒酒山谷詩去商畧督郵  
風味惡不堪持到蛤蜊前

蛭子

生海泥中長二三寸如大母指其肉甚  
肥殼不足以容之口常開不閉時行病

後不可食切忌  
之飯後食之佳

蚘子

爾雅謂之魁陸有瓦壘蚘茅蚘土  
物志曰有側徑四尺皆似瓦壘有文郭

璞江賦曰  
洪蚘專車

龜脚

以狀似之郭璞江賦  
去石蛙應節而揚葩

蜺

小於蛤蜊生水渥中殼薄肉多含沙以  
浸隔日令吐沙盡方可食本草蜺殼

久者生痲冷無毒候風  
雨能以殼為翅飛也

肘子

厨人下火而關中有肉粘之膏皆在  
去下體取面肉脆供入湯稍夕即

刃不入品

沙噀

塊然一物如牛馬腸臟頭長可五六寸  
許肝軟如水蟲無首無尾無目無皮骨

但能蠕動觸之則縮小如挑栗徐獲擁  
腫土人以沙盆揉去其涎腥雜五辣藁

之脆美為上味



郡志卷第四



